

IA 2023

Naalakkersuisut Siulittaasuat – Suliassaqarfik 10

Kontomut pingaarnermut 10.13.11 Aktiaateqarluni ingerlatseqatigiiffinnut toqqaannartumik aningaasartuutit

Oqaasertaliussap matuma 2023-mut ilassutitut aningaasaliissutitut inatsisissatut siunnersuummi kontomut pingaarnermut matumunnga ilanngunneqarnissaa qinnuteqaatigineqarpoq:

“Naalakkersuisut NunaGreen A/S-ip NunaGreen Construction A/S-lluunniit 150 mio. koruunit tikillugit nammineerluni akiitsoqalernissaanut qularnaveeqqusiinissamut piginnaatinneqarput.”

Kontomut pingaarnermut 10.13.11 Aktiaateqarluni ingerlatseqatigiiffinnut toqqaannartumik aningaasartuutit

Oqaasertaliussamut matumunnga oqaaseqaatit uku 2023-mut ilassutitut aningaasaliissutitut inatsisissatut siunnersuummi kontomut pingaarnermut matumunnga ikkunneqarnissaat qinnuteqaatigineqarpoq:

”Oqaasertaliussaq tunngavigalugu Naalakkersuisut NunaGreen A/S-ip NunaGreen Construction A/S-lluunniit 150 mio. koruunit tikillugit nammineerluni akiitsornissaanut qularnaveeqqusiinissamut piginnaatinneqarput.

2. marsi 2023-mi Naalakkersuisut aalajangerput, Utoqqarmiut Kangerluarsunnguanni erngup nukinganik innaallagissiorfiup (Nuummi Utoqqarmiut Kangerluarsunnguanni innaallagissiorfik), kiisalu erngup nukinganik innaallagissiorfiup Qasigiannuanik Aasiannillu pilersuisussap sananeqarnissaa aningaasalersorneqarnissaalu NunaGreen A/S-imit isumagineqassasoq.

Tamatumunnga atatillugu erngup nukinganik innaallagissiorfiit 2029-mi atorneqalertussatut naatsorsuutigineqartut atorneqalernissaasa tungaanut Namminersorlutik Oqartussat NunaGreen-ip ingerlatsinermut aningaasartuutitut aningaasalersuinerlutik akunnermuliuttutut nammineerluni akiitsoqalernissaanut qularnaveeqqusiinissaat pisariaqartinneqarpoq.

NunaGreen-imiit ilisimatitsissutigineqarpoq, aningaaseriviit namminersortut sisamat oqaloqatigineqarsimasut, taakkulu tamarmik NunaGreen-ip taarsigassarsiaanik aningaasalersuinnissamut soqutiginnillutik oqarsimasut. Kisiannili aningaaseriviit tamarmik NunaGreen-ip nammineerluni akiitsoqalernissaanut Namminersorlutik Oqartussat qularnaveeqqusiinissannik piumasaqarput. NunaGreen ilisimatitsivoq, siunertanut nalunaarutit

Ilanngussaq 2, oqaasertaliussat kiisalu oqaasertaliussanut nassuiaatit

annaasaqarnissamullu qularnaveeqqutit aningaaseriviit NunaGreen-ip akiitsorsinnaanerani nalliinerini akuersinissamut naammangitsut.

NunaGreen Nykredit aqqutigalugu aningaasalersuinermi akunnermiuliuttut taarsigassarsinissaq pillugu suliaraqarnermik ingerlatitseqqippoq, aningaaserivik taanna appasinnerusumik erniaqartitsiniarluni neqerooruteqarmat. Aningaasalersuinermi akunnermiuliuttut aningaasat atorineqartussat 140-150 mio. koruunit missaanniipput, taakkulu oqaasertaliussami matumani nammineerluni akiitsornissamut qularnaveeqqusiissutissatut qinnuteqaatigineqartut amerlassuseqarput.

Taamaattumik aningaasalersuinermi akunnermulliuttuunissamut taarsigassarsisoqassappat, taarsigassarsinermit isumaqatigiissutip atsiorneqarnissaa sioqqullugu Namminersorlutik Oqartussat nammineerluni akiitsunut qularnaveeqqusiissuteqarnissaat pisariaqarpoq. Nammineerluni akiitsunut qularnaveeqqusiineq isumaqarpoq, ullormit NunaGreen-ip akiliisarnermini pisussaaffimminik sumiginnaalerfigisinnaasaaniit Namminersorlutik Oqartussat NunaGreen-ip aningaasalersuinermi akunnermuliuttut 150 mio. koruunit tikillugit taarsigassarsiaanut akiliisussanngorsinnaasut.

Oqaasertaliussaq nutaajuvoq.”

Aningaasaqarnermut Akileraartarnermullu Ataatsimiititaliamit ulloq 19-12-2023 akuerineqartoq, suliaraq normu 23-1052.

Aningaasaqarnermut Akileraartarnermullu Naalakkersuisoq -

Suliassaqarfik 20 – 24

Kotomut pingaarnermut 20.01.01 Aningaasaqarnermut Akileraartarnermullu Naalakkersuisoqarfik

Oqaasertaliussaq nr. 2 tulliuuttoq ilanngunniarneqarpoq:

”Nr. 2

Naalakkersuisut pisinnaatinneqassapput Kalaallit Nunaanni kommunini immikkoortunut taarsigassarsiaqartitsinissamut naalagaaffiup qularnaveeqqutaa pillugu sinaakkutissatut isumaqatigiissummik kiisalu KommuneKredit-ip Kalaallit Nunaanni Kommunini immikkoortunut taarsigassarsiarititai pillugit allaffissorneq pillugu isumaqatigiissummik akuersinissamut atsiornissamullu.”

Kotomut pingaarnermut 20.01.01 Aningaasaqarnermut Akileraartarnermullu Naalakkersuisoqarfik nassuiaatit

Oqaasertaliussaq nr. 2-mut nassuiaatit tulliuuttut ilanngunniarneqarput:

Ilanngussaq 2, oqaasertaliussat kiisalu oqaasertaliussanut nassuiaatit

”Nr. 2

2019-imi ukiakkut Aningaasaqarnermut Nunanilu Avannarlerni Suleqatigiinnermut Naalackersuisuusimasup danskit naalagaaffiat attavigaa, Kalaallit Nunaanni kommunini immikkoortut KommuneKredit aqutigalugu taarsigassarsisinaanissaat pillugu periarfissanik ujartuinissaq pillugu.

KommuneKredit peqatigiiffiuvoq, Danmarkimi kommuninut nunallu immikkoortuinut sapingisamik appasinnerpaamik aningaasartuuteqarlutik suliniutiminnut aningaasalersorneqarnissaannut periarfissaqartitsisoq.

Sinaakutissatut isumaqatigiisummik siunertaavoq, Kalaallit Nunaanni kommunit immikkoortui KommuneKredit-imi siunertanut taarsigassarsiaqarfiusinnaasunut taarsigassarsisinaalernissaat, KommuneKredit-ip taamaasillutillu Danmarkimi kommunit nunallu immikkoortuisa aarlerinaataat sunnernagu.

Taarsigassarsinerit KommuneKredit-imi qaqugukkulluunniit taarsigassarsinissamut nioqquit neqeroortigineqartut ilaattut nikerartumik imaluunniit aalajangersimasumik erniaqartumik taarsigassarsiarineqarsinnaapput. KommuneKredit-ip taarsigassarsiarititanit ernianit sinneqartoorutai aningaasaliinermut, allaffissorneq kiisalu peqatigiiffimmi nammineq aningaasaatissatut kissaatigineqartunik attassiinnarnissamut aningaasartuutunik taamaallaat matussusiissapput.

Taarsigassarsiat ingerlaavartumik akilersorneqassapput. Taarsersuutitaqanngitsumik taarsigassarsisoqarsinnaanngilaq, aamma sanaartornermut akiitsornerit saniatigut taarsigassarsianik allanik tamakkiisumik imaluunniit ilaannakortumik taarsigassarsititsisoqarsinnaanani. Taarsigassarsiarititat ataasiakkaat annertunerpaamik katillugit ukiuni 30-ni akilersorneqarsinnaapput.

Naalagaaffik Kalaallit Nunaanni kommunit immikkoortuisa KommuneKredit-imut pisussaaffiinut katillugu 4 mia. kr.-inik taarsigassarsiatut sinaakutit iluini naalagaaffiup qularnaveeqqutaanik qularnaveeqqusiissaaq. Qularnaveeqqummut KommuneKredit-imi kalaallit taarsigassarsisut, qularnaveeqqusiinermut akissarsiasanik 0,15 pct.-iusunik akiliisassapput. Naalagaaffik namminersorlutik oqartussanut aningaasartuutitut piunasaqaatinik angusaqassaaq, Naalagaaffiup qularnaveeqqutaanut atatillugu naalagaaffiup KommuneKredit-imut akilersimasaanik. Naalagaaffiup Namminersorlutik Oqartussanut aningaasartuutitut piunasaqaatai, naalagaaffiup qularnaveeqqutaanut atatillugu naalagaaffiup KommuneKredit-imut akilersimasaata aningaasat 50 %-erissavaat.

Sinaakutissatut isumaqatigiissut Naalagaaffiup aamma KommuneKredit-ip tungaanit piffissap 31. december 2031 tungaanut taamaatinneqarsinnaanngilaq.

Ilanngussaq 2, oqaasertaliussat kiisalu oqaasertaliussanut nassuiaatit

KommuneKredit-imi taarsigassarsinermut atatillugu Kalaallit Nunaanni kommunini immikkoortut KommuneKredit-imut ilaasortanngussanngillat, taamaasillutillu KommuneKredit pillugu inatsit naapertorlugu Danmarkimi kommunit aamma nunap immikkoortuisa KommuneKreditimut assigiimmik pisussaaffinnut akisussaaffeqalissanngillat, soorlu KommuneKredit-imi aqutsinermut sunniuteqalissanngitsut.

Namminersorlutik Oqartussat akisussaaffigaat, taarsigassarsiat, KommuneKredit-imut taarsigassarsiarineqartut Sinaakktutissatut isumaqatigiissut naapertorlugu, Kalaallit Nunaanni kommunini immikkoortunut kiisalu siunertanut taarsigassarsissutaasinnaasunut taamaallaat taarsigassarsiarineqassasut. Namminersorlutik Oqartussat sinaakktutissatut isumaqatigiissutip piffissami atuunnerani ukiut tamaasa kingusinnerpaamik maajip naanerani naalagaaffimmut kukkunersuiusut nalunaarutaannik nassiussisassapput, tassani kukkunersuiusup uppersarsassavaa, taarsigassarsiat Sinaakktutissatut isumaqatigiissut naapertorlugu taarsigassarsiarineqarsimasut Siunertanut Taarsigassarsissutaasinnaasunut taarsigassarsiarineqarsimasut. Kukkunersuiusiq namminersorlutik oqartussanit toqqarneqassaaq, atorfilerneqassaaq kiisalu akilerneqassalluni, tamakkuli saniatigut namminersorlutik oqartussanut attuumassuteqassanngilaq.

Allaffissorneq pillugu isumaqatigiissummi Kalaallit Nunaanni kommunini immikkoortunut KommuneKredit-ip taarsigassarsiarititaanik allaffissorneq pillugu aalajangersakkat sukumiinerusut aalajangersarneqarput.

Kalaallit Nunaanni kommunini immikkoortut tamarmik taarsigassarsiap annertussusaa aamma kommunimi immikkoortoq suna taarsigassarsinersoq apeqqutaanani, noqqutinut assigiinnut aki aalajangersimasoq akilertassavaat.

Suliffeqarfiit kommuninit pigineqartut KommuneKredit-imi taarsigassarsiniarunik, KommuneKredit-imut taarsigassarsinissamut qinnuteqaammik nassiussinnginnermi, aalajangiiffigisassat tulliuttut naammassineqarsimassapput:

- a) Suliffeqarfiup siulersuisuini taarsigassarsinissaq pillugu aalajangiineq (imaluunniit piginnittut ataatsimiinneranni/ileqquusumik ataatsimeersuarnermi, tamanna piunasaqaataappat).
- b) Kommunalbestyrelsimi taarsigassarsinissamut inaarutaasumik akuersissut (taarsigassarsinermut siunertaq, aningaasat annertussusaat aamma piffissaq akilersuiffissaq).
- c) Naalakkersuisunit Aningaasaqarnermut Akileraartarnermullu Naalakkersuisoqarfimmi taarsigassarsinissamut inaarutaasumik akuersissut.

Kommunit imaluunniit kommunini peqatigiiffiit KommuneKredit-imi taarsigassarsiniarunik, KommuneKredit-imut taarsigassarsinissamut qinnuteqaammik nassiussinnginnermi, aalajangiiffigisassat tulliuttut naammassineqarsimassapput:

Ilanngussaq 2, oqaasertaliussat kiisalu oqaasertaliussanut nassuiaatit

a) Kommunimi/kommunini peqataasuni kommunalbestyrelsip taarsigassarsinissaq pillugu aalajangiineq (taarsigassarsinermut siunertaq, aningaasat annertussusaat aamma piffissaq akilersuiffissaq).

b) Naalakkersuisunit Aningaasaqarnermut Akileraartarnermullu Naalakkersuisoqarfimmi taarsigassarsinissamut inaarutaasumik akuersissut.

Namminersorlutik Oqartussat akisussaaffigaat, taarsigassarsinissamut qinnuteqaatit, KommuneKredit-imut nassiunneqartut sinaakutissatut isumaqatigiissutip sinaakkutaasa iluaniissasut, Kalaallit Nunaanni kommunimi immikkoortut sorliit, KommuneKredit-imi taarsigassarsinnaanersut, aamma aningaasaliinerit sorliit siunertanut taarsigassarsissutaasinnaasunut ilaanersut.

Oqaasertaliussaq nutaajuvoq.”

Aningaasaqarnermut Akileraartarnermullu Ataatsimiititaliamit akuerineqarpoq ulloq 30-11-2023, suliaq nr. 23-1056.

Isumaginninnermut, Ilaqutariinnut, Suliffeqarnermut Nunamullu

Namminermut Naalakkersuisoq – Suliassaqarfik 31

Kotumut pingaarnermut 31.03.33 Immikkut ittumik meeqqanut tapiissutit

Kotumut pingaarnermut uunga oqaasertaliussat tulliuuttut 2023-mut ilassutitut aningaasaliissutissatut inatsimmut siunnersuummut ivertinneqarnissaat qinnutigineqarpoq:

”Immikkut ittumik meeqqanut tapiissutinut december 2023-mi akilerneqartussanik aningaasartuuteqarnissamut Naalakkersuisut piginnaatinneqarput.

Immikkut ittumik meeqqanut tapiissutinik tunniussinissamut meeqqanut tapit pillugit Inatsisartut inatsisaanni aalajangersakkat nalunaarullu tassunga tunngasoq atuupput kiisalu isumaginninnermi ikiorsiissutitut tunniunneqartartut atuuttut pillugit kaajallaasitami 1. januar 2023-meersoq ima allannguutitalerlugu atuutsinneqassaaq:

- Immikkut ittumik tapiissutip annertussusaa meeqqamut ataatsimut annerpaamik 1.000 kr-iuvoq.
- Meeqqanut tapi isertitat annertusiartortillugit assigiiaartumik annikilliarortinneqartarpoq. Meeqqanut tapit appartikkiartortarnerat maanna ataatsimut 142.661 kr-nik isertitaqarnermi aallartittarpoq. Isertitanut killiliuussaq meeqqap siulliup saniatigut 27.435 kr-nik qaffanneqarpoq.
- Annikilliarortitsineq procentit annikilliarortitsissutaasut assigiinngiiaartut atorlugit pissaaq. Procenti annikilliaruutaasooq meeqqamut aaatsimut naatsorsuinerimi toqqammavinni ilaasumut 3,5 procentiuvoq.
- Isertitatut toqqammaviup procentimik appariartuutaasumik arlaleriaatinngortinnerata annerpaamik meeqqanut tapiissutip ilanngaatigineratigut meeqqanut tapiissut

Ilanngussaq 2, oqaasertaliussat kiisalu oqaasertaliussanut nassuiaatit

naatsorsorneqassaaq. Isertitatut toqqammavik maanna isertitat, isertitat malillugit ilaatitsinnginnissamik aningaasartat ilanngaataatillugit annertussuseqarpoq.

- Meeqqanut tapiissut tunniunneqartoq isertitanulluunniit toqqammavik nul-umit minnerusinnaanngilaq.”

Kontu pingaarnermut 31.03.33 Immikkut ittumik meeqqanut tapiissutit nassuiaatit

Nassuiaatit tulluuttut kontumut pingaarnermut uunga oqaasertaliussat 2023-mut ilassutitut aningaasaliissutissatut inatsimmut siunnersuummut ivertinneqarnissaat qinnutigineqarpoq:

”Assartuinermi nukissiuutinullu immikkoortumi akit qaffaatissaatut oqaatigineqartut tunuliaqutaralugit Naalakkersuisut taartaasussanik suliniutinik isertitakitsunut akunnattumillu isertitalinnut meeralinnut sammitinneqartunik aallartitsinissamik aalajangernerat tunuliaqutaralugu oqaasertaliussat ivertinneqarput.

Oqaasertaliussat nutaamupput.”

Aningaasaqarnermut Akileraartarnermullu Ataatsimiititaliamit ulloq 14-12-2023, suliaq nr. 23-1059-tut akuerineqarpoq.

Meeqqanut, Inuusuttunut, Ilinniartitaanermut, Kultureqarnermut, Timersornermut Ilageeqarnermullu Naalakkersuisoq – Suliassaqarfik 40

Kontumut pingaarnermut 40.95.01 Kulturimut tapiissutit allat

Inatsisartut ilassutitut aningaasaliissutinut inatsisissaannut siunnersuut 2023-mi oqaasertaliussanut una ilannguteqquneqarpoq:

“Nr. 2.

Naalakkersuisut pisinnaatinneqarput Kulturikkut Aningaasaateqarfiup ingerlanneqarnerani atuinikinnerussutaasunik kontumi pingaarnermi matumani ukiup tullianut aningaasanut inatsimmut nuussisinnaanermik. Ukiumi aningaasanut inatsiseqarfiusumi aningaasaliissutit annerpaamik 20 %-ii nuunneqarsinnaapput.”

Kontumut pingaarnermut oqaaseqaatit 40.95.01 Kulturikkut tapiissutit allat

Inatsisartut ilassutitut aningaasaliissutinut inatsisissaannut siunnersuut 2023-mi oqaasertaliussanut una ilannguteqquneqarpoq:

“Nr. 2.

Oqaasertaliussap qularnaarppaa Naalakkersuisut pisinnaatitaasut aningaasaliissutinik aningaasat ukiuannut tulluuttumut nuussisinnaanerat, qularnaarumallugu aningaasaliissutaasunik pissusissamisoortumik atuisoqartarnissaa. Aningaasaliissutit nuunneqartut atorneqassapput Kalaallit Nunaanni kulturikkut aningaasaateqarfiup ingerlatsineranut, allaaserineqartutut Eqqumiitsuliornermik ingerlatsineq pillugu Inatsisartut inatsisaanni nr. 11, ulloq 6. Juni 2016-

Ilanngussaq 2, oqaasertaliussat kiisalu oqaasertaliussanut nassuiaatit

imeersumi, allanngortinneqartumik Inatsisartut inatsisaatigut nr. 25, ulloq 28. November 2019-imeersukkut.

Oqaasertaliussaq nutaajuvoq.”

Aningaasaqarnermut ataatsimiititaliamit akuerineqartoq ulloq 28-12-2023, suliaq normu 23-1060.

Aalisarnermut Piniarnermullu Naalakkersuisoq - Suliassaqarfik 50 – 51

Kontumut pingaarnermut 51.01.04 Aallartitseqqinnissamut tapiissuteartarneq

Kontumut pingaarnermut uunga oqaasertaliussat tulliuttut 2023-mut ilassutitut aningaasaliissutissatut inatsimmut siunnersuummut ivertinneqarnissaat qinnutigineqarpoq:

”Aningaasaliissutit iluanni Naalakkersuisut Aningaasaqarnermut Akileraartarnermullu Ataatsimiititaliap akuersissuteqarneratigut aalisartunut, piniartunut nunalerisunullu aningaasaqarnikkut ikorfartuinissaannut piginnaatinneqarput, matumani inuussutissarsiornermi isertitaat silaannaap pissusiata kingunerisaanik piffissap sivikitsup iluani tamarmik annertuumilluunniit appariarsimappata.”

Kontu pingaarnermut 51.01.04 Aallartitseqqinnissamut tapiissuteartarneq nassuiaatit

Nassuiaatit tulliuttut kontumut pingaarnermut uunga oqaasertaliussat 2023-mut ilassutitut aningaasaliissutissatut inatsimmut siunnersuummut ivertinneqarnissaat qinnutigineqarpoq:

”Oqaasertaliussami Inatsisartut aalajangiiffigisassatut siunnersuummik UKA2023/62-imik UKA2023-mi akuersinerat aammalu allannguutissatut siunnersuut matumunnga atasoq, Naalakkersuisut inuussutissarsiummik ingerlatsisunut, inuussutissarsiumminnik ingerlatsitillutik silaannaap pissusiata kingunerisaanik ajunaarnersuartut ittumik sakkortuunik eqqugaasut aningaasaqarnerisigut ikiorserniarlugit aallarteqqinnissamut tapiisarneq pillugu Inatsisartut inatsisaannut allannguutissatut siunnersuummik saqqummiinissaannik peqqusisoq tunngaviupput.

Oqaasertaliussat malittarisassat nutaat inissinnissaasa tungaannut ikaarsaariarnermi utaqqiisaasumik aaqqissuussinertut aningaasanut inatsimmut ilanngunneqarput. Malittarisassatut nutaatut siunnersuut kingusinnerpaamik UKA2024-mi saqqummiunneqassaaq.

Oqaasertaliussat pisuni immikkut illuinnartumik pisuni, allani malittarisassaqartinneqariinngitsuni taamaallaat atuutissapput. Innuttaasunut inuussutissarsiummut atatillugu nalinginnaasut aallaavigalugit sillimmatinik nalinginnaasutut isigisariaqartunik pisinermikkut annaasaqarnerminnik pinngitsoortitsisimasinnaagaluartunik taamaalorsimannngitsunulli tapiissuteqartoqarsinnaassanngilaq.

Ilanngussaq 2, oqaasertaliussat kiisalu oqaasertaliussanut nassuiaatit

Pisut ajunaarnersuartut ittut sakkortuut tassaapput pisut tassanngaannartut siumullu naatsorsuutigineqarsinnaanngitsut, taamatullu annikigisassaannngitsut najukkamilu innuttaasut oqartussaasullu ulluinnarni isumalluutitut pissarsiarisartagaannut sunniuteqartumik ajutoorfiusimasut. Taamaalilluni aallaaviatigut ingerlatsisoq ataasiinnaq pisumit sunnertissimaguni pisoq tassaasimassanngilaq ajunaarnersuartut ittoq sakkortooq. Oqaasertaliussat malillugit assersuutigalugu nunalerisumut tunniunneqarsinnaassapput nunalerisup naatsiaatai, uumasupilunnit kissakkiartorneratigut Kalaallit Nunaannukarsimasunit, siornatigullu ilisimaneqanngitsunit nalinginnaasuniilluunniit aserorterneqarsimappata. Paarlattuanik umiatsiaararsorlutik aalisartunut/umiatsiaararsorlutik piniartunut, aalisakkanik/piniagassanik pisassiissutit ukiup aallartinnerani nalunaarutigineqarsimasut nungussimaneri/aalisarneqarsimaneri pissutigalugit ukiup naajartorneranut aalisarnerminnik/piniarnerminnik unitsitsisariaqartunut aalisagaqatigiit/uomasut piniagassat ataatsimut isigalugit silap pissusaanik sunnerneqarsimanersut apeqqutaatinnagit tapiissuteqartoqarsinnaassanngilaq.

Aalajangersimasumik, inuit ataasiakkaarlutik qinnuteqarnerisigut tapiissuteqartoqartarpoq.

Tapiissutinik tunniussisarneq naalackersuisoqarfimmit aallarteqqinnissamut tapiisarneq pillugu Inatsisartut inatsisaannut tunngatillugu akisussaasumit aqunneqarpoq. Naalackersuisoqarfiup taassuma tamatuma saniatigut aallarteqqinnissamut tapiissutinik qinnuteqaatinut tunngatillugu naalackersuisoqarfiit attuumassutillit allat ilanngunneqarnissaat qulakkiissavaa, matumani oqaasertaliussat takukkit, naalackersuisoqarfiit taakku allat oqaasertaliussani inuussutissarsiutitut nassuiarneqartunut minnerpaamik ataatsimut oqartussaasuussallutik. Naalackersuisoqarfiup qinnuteqaatit suliarineqartarnerannut tapiissutinillu tunniussisarnermut periutsimik taakkununngalu atatillugu uppernarsaatigut piumasaqaatinik il.il. nassuiaasunik tamanit pissarsiarineqarsinnaasunik najoqqutassaliortoqarnissaa qulakkiissavaa.

Oqaasertaliussat nutaajupput.”

Aningaasaqarnermut Akileraartarnermullu Ataatsimiititaliamit ulloq 14-12-2023, suliaq nr. 23-1059-tut akuerineqarpoq.

Ineqarnermut Attaveqaasersuutinullu Naalackersuisoq – Suliassaqarfik 70-

72

Kontomut pingaarnermut 72.10.16 inissianik attartortikkanik ingerlatsineq, aningaasaliissutinit pissarsiat

Oqaasertaliussaqaq manna ilanngunneqassasoq qinnutigineqarpoq:

Ilanngussaq 2, oqaasertaliussat kiisalu oqaasertaliussanut nassuiaatit

“Nr. 11”

1. Naalakkersuisut inuusuttunut inissianik najugaqarfissatut attartotitsinissamut piginnaatinneqarput. Inissianik attartortitsineq pillugu Inatsisartut peqqussutaat (attartorneq pillugu peqqussut) Naalakkersuisut ataani allanik aalajangersaasoqanngippat inuusuttunut inissianik attartortitsineranni atuuppoq.

Naalakkersuisut inuusuttunut inissianik allaffissornikkut aqutsineq pillugu attartortitsineq pillugu INI A/S-imut isumaqatigiissusiorsinnaapput. Inuusuttunut inissiat Namminersornerullutik Oqartussanit aamma konto pingaarnikkut 89.71.12 Inissianik Sanaartornerit Taarsiissumillu Sanaartornerit ukiumoortumik aningaasanut inatsimmi aningaasaliissutit tunngavigalugit sananeqarput massakkulluunniit sanaartorneqarlutik. Inuusuttunut inissiat Qaanaami, Tasiilami, Upernavimmi, Qasigianguani, Ittoqqortoormiini, Ummannami, Kangaatsiami, Nuussuarmi, Kangaamiuni, Qeqertarsuarmi, Nanortalimmi Narsamilu sananeqarput maannakkulluunniit sanaartorneqarlutik.

2. Inuusuttunut inissiat inunnut 16-nik ukioqalernikunut sulilu 24-nik ukioqalinngitsunut attartortinneqarsinnaapput. Inuk najugaqarfimmi inuusuttunut inissiap inissisimaffigisaani inuusuttunut inissiami inissarsisitsineq sioqqullugu ukiuni marlunni najugaqareersimasutut inunnik nalunaarsuiffik malillugu najugaqareersimassaaq. Inuit suliffeqartut imaluunniit inuusuttut ilinniagaannik ilinniartut ilinniagaqartulluunniit inuusuttunut inissiamik innersuussinissami salliutinneqassapput. INI A/S-ip inuit inuusuttunut inissiamik attartornissamik kissaateqartut nalunaarsussavai.

Soqutiginnittut qinnuteqarnerisigut imaluunniit inuusuttunut inissiap inissisimaffigisaani najukkami ataatsimiitaliap imaluunniit nunaqarfimmi aqutsisut innersuussininerisigut inuusuttunut inissiani inissarsisitsisoqarsinnaavoq.

Inuit piffissami inissarsisitsiviusumi ukiumut kr. 300.000 sinnerlugit isertitaqartut inuusuttuntu inissiami inigineqanngitsumi inissarsisinneqarsinnaanngillat.

3. Inuusuttunut inissiat nalinginnaasumik inisigisatut pequtsersugaapput atorneqassallutillu. Inuusuttunut inissiat inigineqanngitsut ataatsimut missingersuineq malillugu inigisassanngortinneqassapput.

Qinnuteqartut nalinginnaasumik inissiani ineqarsinnaassapput. Qinnuteqartut ineqarnermut akiliummik, aamma innaallagissamut imermut kiassarnermullu ingerlaavartumik akiliinissamut periarfissiisumik isertitaqassapput.

Ilanngussaq 2, oqaasertaliussat kiisalu oqaasertaliussanut nassuiaatit

Naliliinermi qinnuteqartut ineqarnissamik pisariaqartitsinerat pingaartinneqassaaq. Tamaalilluni qinnuteqartup piffissami tassani inigisaani inuit, tassungalu ilanngullugu meeqqat 16-inik ukiullit qassit najugaqarnersut pingaartinneqassaaq. Qinnuteqartoq aamma piffissami tassani inigisamini inummik ataatsimik arlalinnilluunniit atornerluinermik ajornartorsiuteqartumik imaluunniit timikkut tarnikkulluunniit innarluuteqartunik ineqateqarnersoq pingaartinneqassaaq.

Inuusuttunut inissiamut inissarsisitsinermi attartortup INI A/S-imi imaluunniit kommuni inissiaatileqatigiiffiani nalinginnaasumik inissarsiornissamat pisussaaffeqarnini eqqumaffigissavaa.

4. Inuusuttoq pillugu ataatsimut nalilersuineq aallaavigalugu immikkut pissutsit atuuppata, ukioqassuseq, inunnik nalunaarsuiffik malillugu najugaqarneq isertitaqarnerlu pillugit malittarisassat saneqqunneqarsinnaapput. Tamanna inuusuttunut inissianik ujartuisoqanngippat aamma atuuppoq.

5. Inuusuttunut inissiat tamarmik nuna tamakkerlugu ingerlatsinermut aserfallatsaaliuinermullu immikkoortortaapput. Ineqarnermut akiliut attartorneq pillugu peqqussummi aalajangersakkat malillugit naatsorsorneqassaaq. Inuusuttunut inissianik pequtilersukkanik attartortitsinermi pequteqarnermut tapersiut qaammammut 100 kr. akilersinneqartassaaq.

6. Attartortoq inuusuttunut inissiami attartukkami ikkussukkaniluunniit akuerisaanngitsumik ikkussuisinnaanngilaq allannguisinnaaniluunniit.

7. Attartortitsisup attartornermut isumaqatigiissut qaammatinik pingasunik sivikinnerunngitsumik allaganngorlugu siumut nalunaaruteqarnissamat isumaqatigiisutigineqartoq atorlugu taamaatissinnaavaa. Kisiannili attartornermut isumatigiissut attartortup qaammatip 24-nik ukioqalerfiata naanerani siumut nalunaaruteqaaqqaarani taamaatinneqassaaq. Attartorneq pillugu peqqussummi § 71, imm. 3 atuutinngilaq.

Inissiamit nuunnermi inuusuttunut inissiaq nalinginnaasumik iluarsaanneqarsimalluni tunniunneqassaaq. Attartortitsisup tamassumunnga nalinginnaasumik iluarsaassinermut taarsiullugu attartortoq qaammamut 50 kr-nik akiliisissinnaavaa.

8. Attartorneq pillugu peqqussummi kapitalit 2-3 aamma kapitalit 8-9 inuusuttunut inissianik attartortitsinermi atuutinngillat.”

Kantomut pingaarnermut 72.10.16 Inuusuttunut inissianik ingerlatsineq, aningaasaliissutinit pissarsiat nassuiaatit

Oqaasertaliussamat nassuiaatit uku ilanngunneqassasut qinnutigineqarpoq:

Ilanngussaq 2, oqaasertaliussat kiisalu oqaasertaliussanut nassuiaatit

“Nr. 11-mut

Oqaasertaliussami inuusuttunut inissiat inuusuttunut 16-iniit 24-nut ukiulinnut attartortitassat Namminersorlutik Oqartussanit sanaartorneqartunut atuuppoq. Inissianik attartortitsineq Naalakkersuisunut isumaqatigiissut naapertorlugu INI A/S-imit allaffissornikkut aqunneqarpoq.

Attartornermut isumaqatigiissutit immersugassaq atugassaritinneqartullu Naalakkersuisunit akuerineqartut atorlugit isumaqatigiissutigineqassapput. Ilimagineqarpoq pisortat attartortittakkanik inissiaataannik attartortitsinermi immersugassaq, tak. attartorneq pillugu peqqussummi § 2, pisariaqartunik naleqqusarlugu atorneqarsinnaasoq.

Inuusuttunut inissiat inuusuttunit 16-iniit 24-nut ukiulinnut inissiat sanaartorfigisaanni aalajangersimasumik najugaqartunit inigineqassapput. Taamaammatt inuusuttup inuusuttunut inissiani inissarsisitsineq sioqqullugu inunnik nalunaarsuiffimmi najukkami ukiuni marlunni tulleriinni najugaqarsimanissaanik piumasaqaateqartoqarpoq. Inuusuttoq piffissap ilaani nuuppat sumiiffimmiluunniit allami najugaqarpat, piffissarititaq inunnik nalunaarsuiffimmut nalunaarnermit kingullermit naatsorsorneqassaaq. Taamaattorli inuk pineqartoq piffissami nalunaarsorneqarfimmi inunnik nalunaarsuiffimmi najukkami najugaqartutut ukiuni marlunni tulleriinni najugaqarsimangikkaluartoq inuusuttunut inissiamik soqutiginnittutut INI A/S-imit, najukkami ataatsimiititaliamit imaluunniit nunaqarfimmi aqutsisunit nalunaarsorneqarsinnaavoq.

Ilimagineqartariaqarpoq inuusuttut ukiumut 300.000 kr. sinnerlugit isertitaqartut inissiani atuuttuni namminneq ineqarsinnaassasut. Taamaammatt taakku inuusuttunut inissiani inissarsitinneqarsinnaassanngillat.

Inuusuttut ilinniagaqarnissamut kajumissuseqalersinniarlugit, inuit inuusuttut ilinniagaannik ilinniartut ilinnigaqartulluunniit allanit salliutinneqassapput.

Allaqqavoq inuusuttut pillugit tamanik isiginninneq aallaavigalugu pissutsit immikkut atuuppata ukioqassuseq, inunnik nalunaarsuiffik malillugu najugaqarneq isertitaqarnerlu pillugit malittarisassat saneqqunneqarsinnaasut. Tamanna inuusuttunut inissianik ilimagineqartut akimorlugit ujartuisoqanngippat aamma atuuppoq.

Inuusuttunut inissiat isumaginninnermi inissiaannngillat, aammalu inuusuttut inuttut atukkatigut, tarnikkut timikkulluunniit ajornartorsiuteqarnerup kinguneranik ineqarnissamik immikkut pisariaqartitsinerannut aaqqiissutaanatik. Inuusuttunut inissiat pisortat inigisassatut allattortittagaat nalinginnaasut allat assigalugit tunngaviumik inissiaapput attartortittakkat.

Ilanngussaq 2, oqaasertaliussat kiisalu oqaasertaliussanut nassuiaatit

Kisiannili inuusuttunut inissiat inuusuttunut 16-iniit 24-nut ukiulinnut neqeroorutiginnissaat siunertaralugu inissiatut mikisutut sanaartorneqarput. Inissaqartinniarneqartut tassaapput inuusuttut assersuutigalugu ilaqutarpasuit imaluunniit inuit inuusuttut suliffeqarfissamut ilinniagaqarnissamulluunniit periarfissaqarnerannut pingaaruteqartut allat peqatigalugit inissiami mikisumi illumiluunniit mikisumi najugaqarnertik pissutigalugu ineqarnissamik immikkut pisariaqartitsisut.

Inissiat inuusuttunut imminnut napatissinnaasunut namminnerlu inissiami ineqarsinnaasunut inissarsitsissutigineqartassapput. Aamma piumasaqaataavoq inuusuttoq isertitaqassasoq imminullu pissutsiminik ingerlatsisinnaassasoq, tassunga ilanngullugu ineqarnermut akiligassanik il.il. akiliisinnaassasoq.

Inuusuttunut inissiat Namminersorlutik Oqartussat pigisaat tamarmik ingerlatsinermut aserfallatsaaliuinernullu immikkoortortaqarfimmi ataatsimi katersorneqassapput. Ineqarnermut akiliut ingerlatsinermut aserfallatsaaliuinernullu immikkoortortaqarfiup missingersuutai tunngavigalugit aalajangerneqartassaaq. Ineqarnermut akiliut attartorneq pillugu peqqussummi aalajangersakkat naapertorlugit aamma naatsorsorneqartassaaq.

Inuusuttunut inissiamik attartornermut isumaqatigiissut attartortup qaammatip 24-nik ukioqalerfiata naanerani siumut nalunaaruteqaqqaarnani atorunnaassaaq. Attartortitsisup qaammatinik pingasunik sivikinnerunngitsumik siumut nalunaaruteqarluni attartornermut isumaqatigiissut atorunnaarsissinnaavaa. Tamanna attartorneq pillugu peqqussummik sanequtsineruvoq. Taamaliornikkut inuusuttunut inissiaqartitsinerup nutaajunera pingaartinneqarpoq, misilittagaqalernissallu tungaanut piffissap ilaani ilaatigut tamatigoortuunissamik pisariaqartitsisoqarpoq. Attartortitsisup atorunnaarsitsinera assersuutigalugu inuusuttup INI A/S imaluunniit kommunip inissiaatileqatigiiffia aqutigalugu inissiamik attartornissamut periarfissaqarnerani pisinnaavoq.

Inuusuttunut inissiat inuusuttunut 16-it 24-llu akornanni ukiulinnut naatsorsuussapput. Attartornermut isumaqatigiissut attartortup qaammatip 24-nik ukioqalerfiata naanerani siumut nalunaaruteqaqqaaranani atorunnaassaaq. Ineqarnermut akiliut inuusuttunut inissianut tamanut assigiimmik aalajangerneqassaaq. Tamanna tunngavilugu inissarsitsinermi ineqartullu oqartussaaqataaneranni attartorneq pillugu peqqussummi kapitalit 2-3-mi malittarisassat atuutinngillat.

Ilanngussaq 2, oqaasertaliussat kiisalu oqaasertaliussanut nassuiaatit

Inuusuttunut inissiat pissutsit tunngavigalugit piffissami killilimmi inissiaapput. Inuusuttunut inissiat inissiaapput assigiiartinneqartut, ilaallu pequtilersugaallutik. Inuusuttunut inissiani allannguisoqarsinnaannginnera pingaartinneqarpoq inissiallu attartortunut inissarsitinneqartunut aalajangersimasunut naatsorsuussaasinnaanerat naatsorsuunneqartussaanerilu pingaartinneqarluni. Tamanna tunngavigalugu attartortup attartukkamik atuisinnaanera atuisinnaatitaanerullu allanut nuunneqarsinnaanera pillugit attartorneq pillugu peqqussummi kapitalit 8-9-mi malittarisassat atuutissanngitsut aalajangerneqarpoq.

Aaqqissuussineq misileraalluni aaqqissuussineruvoq, ilimagineqarporlu periutsimik atuilernermi misiliinermilu nalilersuinerup kingorna inuusuttunut inissianik ingerlatsineq attartortitsinerlu pillugit oqaasertaliussani malittarisassat inissianik attartorneq pillugu Inatsisartut inatsisaannut nutaamut kingusinnerusukkut nuunneqassasut. Inissianik attartorneq pillugu Inatsisartut inatsisissaannik nutaamik suliaqarneq 2024-mut aningaasanut inatsisip akuerineqarnerata kingorna aallartinniarnaqarpoq.

Oqaasertaliussaq nutaajuvoq.”

Aningaasaqarnermut Akileraartarnermullu Ataatsimiititaliamit akuerineqarpoq ulloq 18-09-2023, suliaq nr. 23-1043.